

Lenghe latine

La **lenghe latine** e je di origjin indo-europeane al inizi dal prin mileni p.d.C al jere fevelât dome a Rome e in cualchi citât atôr; al diventà une vore impuartant graziis ae espansion dal Imperi Roman, par cui e cjapà pît in scuasit dute la Europe occidentâl, netant vie lis lenghis celtichis o di altris origjinis za presintis. Daspò de colade dal Imperi e fo la base di dutis lis lenghis romanzis, come il spagnûl, il francês e ancje il furlan, ma influençant ancje lis lenghis gjermanichis, in particolâr l'inglês, soledut par il lessic sientific.

Al dì di vuê il latin e je ancjemò la lenghe uficiâl de Citât dal Vatican; la glesie catoliche e je di fat simpri stade un sostenidôr dal latin, tant che fintremai il Concili Vatican II (1962-1965) dutis lis liturgjiis e jerin in cheste lenghe; inmò, al è studiât tai liceus talians, ma par judâ a capî il talian che par fevelâlu.

Lis fasis dal latin

- Latin classic, chel che si studie intes scuelis
- Latin tart imperiâl, influençât sei dal grêc sei dal volgâr fevelât dal popul
- Latin de etât di Mieç, aromai lontan dal classic, ma recuperât soledut tal Umanisim

Gramatiche latine

Une peculiaritât dal latin, che no je presinte intes lenghis romanzis (fûr che in rumen), e je chê de declinazion: il latin al à sîs câs par esprimi la funzion jentri di une frase:

- Nominatîv
- Gjenitîv
- Datîv
- Accusatîv
- Vocatîv
- Ablatîv

A son cinc declinazions dai nons, trê pai adietîfs e cuatri formis verbâls.

Latin (<i>Latine</i>)	
Pronuncie native:	
Altris denominazions:	
Fevelât in:	<u>Citât dal Vatican</u>
Regjon:	<u>Penisule italiche</u> , <u>Europe</u> occidentâl
Fevelants:	nissun come prime lenghe
Posizion:	
Classificazion gjenetiche:	<u>Lenghe indoeuropeane</u> <p><u>Italiche</u></p> <p>Lenghis latinis-faliscjis</p> <p>Latin</p>
Stât uficiâl	
Lenghe uficiâl di:	<u>Citât dal Vatican</u>
Regolât di:	nissune istituzion
Codiçs de lenghe	
ISO 639-1	la
ISO 639-2	lat
SIL	lat
cjale ancje: <u>Lenghe</u>	

Cjapât fûr di https://fur.wikipedia.org/w/index.php?title=Lenghe_latine&oldid=158057

Il test al è disponibil daûr la licence Creative Commons Atribuzion-Condîvît te stesse maniere; al è pussibil meti cundizions ulteriôrs. Cjale lis cundizions di ûs par i details.